

From: UUM CORPORATE COMM.
Sent: Isnin, 30 Disember 2019 6:21 ptg
To: UUM - All Staff; UUM - All Students
Subject: BACK TO SCHOOL PERPATI 2K20 UKIR KECERIAAN



UUM Corporate Comm.

Universiti Utara Malaysia

30 DISEMBER 2019 / 3 JAMADILAWAL 1441H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: PERPATI UUM

BACK TO SCHOOL PERPATI 2K20 UKIR KECERIAAN

UUM ONLINE: Seramai 121 anak-anak yatim dan asnaf dari tujuh buah kampung di sekitar Mukim Pedu, Kuala Nerang diraikan dalam program *Back To School* PERPATI 2K20 Universiti Utara Malaysia (UUM) sempena program kembali ke sekolah bagi sesi persekolahan 2020.

Presiden PERPATI UUM, Mejar Mohamad Ezanee Yazid berkata, mereka terdiri daripada pelajar sekolah rendah dan menengah dari beberapa buah kampung.

Antaranya Kampung Musa, Kampung Seladang Rebah, Kampung Lubuk Merbau, Kampung Bukit Buluh, Kampung KEDA Bukit Kura, Kampung Padang Setul dan Kampung Kuala Tekai.

Ujarnya, program kerjasama antara PERPATI dan Unifilm Studio UUM ini mendapat sumbangan kewangan daripada ahli PERPATI dan pihak luar untuk meringankan beban sara hidup bagi keluarga asnaf selain memberi semangat anak-anak untuk ke sekolah.

"Amalan membantu golongan yang kurang bernasib baik adalah satu amalan yang terpuji, nilai ini mungkin kecil bagi yang berkemampuan tetapi besar maknanya kepada mereka yang menerimanya.

Beliau yakin sumbangan ini akan menceriakan anak-anak dan meringankan beban tanggungan para ibu bapa penerima.



“Semoga dengan usaha kecil murni kami dan sumbangan para penderma ini dapat memberi manfaat kepada mereka.

“Senyuman dan kegembiraan para pelajar dan anak-anak ini amat besar ertinya kepada kami,” ujarnya yang menyempurnakan Majlis penyerahan sumbangan kelengkapan asas persekolahan seperti beg sekolah dan alat tulis di Masjid Al-Akram, Kampung Musa, Kuala Nerang

Tambahnya, sebelum ini, PERPATI UUM turut bergiat aktif dalam program kemasyarakatan bersiri seperti Program *Free Market*, Sumbangan Asnaf Ihya Ramadhan, Majlis Berbuka Puasa Bersama Asnaf, Sumbangan Asnaf Aidil Fitri, Jelajah Ramah Asnaf dan Kayuhan Amal PERPATI.

Sementara itu, Timbalan Pengerusi Jawatankuasa Masjid Al-Akram Kampung Musa, Ustaz Fazdli merakamkan ucapan terima kasih kepada PERPATI UUM yang sebelum ini juga pernah memberi bantuan Infaq Ramadhan kepada penduduk sekitar kariah Masjid Al-Akram.

Menurut Ustaz Fazdli program ini dapat meringankan beban yang ditanggung oleh para ibu bapa dan saya berharap PERPATI UUM akan terus komited dalam membantu komuniti sekeliling UUM terutamanya di sekitar Mukim Pedu, Kuala Nerang.

“Kami juga amat bersyukur dan berbesar hati kerana ini merupakan hasil usahasama yang berterusan daripada PERPATI UUM dengan Jawatankuasa Masjid,” ujarnya.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.